

UFỌK ABASI, N̄WAN NDỌ CHRIST

N̄wed Mbon Ephesus 5:1-33.

ỌYỌHỌ UKPEP-N̄KPO 403

Eke Ikpọ Owo

IKỌ IBUOT: “Koro nnyin idide ndido idem Esie” (N̄wed Mbon Ephesus 5:30).

I Akpan N̄kpọ Ke Ndidu Edisana Uwem

- 1 Ekpep nnyin ete isaña ke ima, N̄wed Mbon Ephesus 5:1, 2; 4:1-4.
- 2 Enọ nnyin ntọt ebaña idiọk-n̄kpọ, N̄wed Mbon Ephesus 5:3-7.
- 3 Andinim ke akpanikọ asaña ke uñwana, N̄wed Mbon Ephesus 5:8-13; 1 John 1:7.
- 4 Uduak Abasi edi ndidedep ifet, nditoro nnyuñ n̄kpono Abasi, N̄wed Mbon Ephesus 5:14-21.

II Ufọk Abasi, N̄dido Idem Christ

- 1 Ebuana n̄wan ye ebe, ebiet ebuana Ufọk Abasi ye Christ, N̄wed Mbon Ephesus 5:22-24.
- 2 Ima ebe ye n̄wan ebiet ima Christ ye Ufọk Abasi, N̄wed Mbon Ephesus 5:25.
- 3 Christ akayak Idemesie ọnọ ke ibuot Ufọk Abasi man Enye akpada enye ọnọ Idemesie nte N̄wan-ndọ, N̄wed Mbon Ephesus 5:26, 27.
- 4 Ekpep mme owo ndima iban mmọ kpa nte Christ amade Ufọk Abasi, N̄wed Mbon Ephesus 5:28, 29.

III Uyai Ye Utibe-N̄kpọ Emi N̄wan-ndọ Christ Enyenede

- 1 N̄wan-ndọ Christ adiana ye Christ oto ke utibe ikpohidem eke enyin owo mikwe, edi ikpohidem oro odu, ndien Enye anam uduak Esie ayarare mme enọ-mfọn anditiene-Christ ke kpukpru n̄kpọ, N̄wed Mbon Ephesus 5:30; Mme N̄ke 31:10-31.
- 2 Nte n̄wan ayakde kpukpru n̄kpọ ke ntak ebe esie, kpa ntre ke N̄wan-ndọ Christ ayak kpukpru n̄kpọ adiana ye Christ, N̄wed Mbon Ephesus 5:31, 32.
- 3 Edidiana ke ndọ ererimbot ọtuñọ eti-eti onyuñ edi utibe, N̄wed Mbon Ephesus 5:33.

SE EKPEPDE EBAÑA

Edisana Uwem

Ufọk Abasi akpanikọ, Ufọk Abasi Ikpan, edi utibe ikpohidem. Ufọk Abasi nte ediọñode enye ke nsio-nsio usuñ ke ererimbot emi ebiet Ufọk Abasi emi nnyin ikpepde n̄kpọ ibaña ke Obufa Ediomini ata esisit. Christ edi ibuot Ufọk Abasi, emi n̄ko ọwọrọ ete ke Ufọk Abasi esine ke idak Esie ke kpukpru ukpep-n̄kpọ, uduak ye mme edinam. Ana iñwañ ke enyin kpukpru owo ete ke mme aka ufọk Abasi ke ererimbot emi isukke ibuot inọ Christ ke se mmọ etiñde, ekerede me enamde. Emi anam nnyin itim isoñọ ite ndidi owo Ufọk Abasi Christ otim okpon akan ndibuana ke mme n̄ka ererimbot. Mme n̄ka ererimbot enyene itie mmọ, edi idaha owo ke Ufọk Abasi mme Ikpan edi se ikponde ikan.

Etim enọ nnyin item ke ukpep-n̄kpọ emi ete idu edisana uwem. Ke ini anditiene-Christ amade Abasi, okotde onyuñ anamde Ikọ Abasi, ke ema ekenyuñ efak enye esio ke idiọk oto ke ubọk Enye emi minamke idiọk, Jesus Christ Ọbọñ, utọ owo oro eyekut ete ke edi mmem-mmem ndinim kpukpru ikọ eke enye okutde ke N̄wed Abasi. Kpukpru item ke abaña ido Abasi enye onyime onyuñ eyire ke esit, ndien kpukpru ntọt ke abaña idiọk-n̄kpọ emi ekpesimde enye, enye ọbọ ke inemesit, ke ọfiokde ete ke nditiene Ikọ Abasi owut ima emi imọ inyenede ke esit inọ Ebe-ndọ ukpọñ imọ. Enye ikponoke Abasi man otodo ọbọ utip, me ke abaña ntak ndik ufen; edi ntak ndinam n̄kpọ nnọ Abasi esie edi ke ntak emi enye amade Jesus emi akanamde ediwak n̄kpọ ọnọ enye.

Mme Ikọ Nduri-utọñ

Ɗkpọ-ndik ama odu ke ini Paul ekewetde ƚwed emi ọno Mbon Ephesus ke abañā mmọ emi ekekade iso ke idiọk, ƚkwañā usuñ me mmọ emi minenke ndien ebiañā mmọ enim ete ke mmọ enyene ebuana ke Obio Ubọñ Christ. Enye ọsọsọ emen nsunsu edinim ke akpanikọ oro efep ke ndidọhọ mmọ: “Ekuyak owo ada ikpikpu ikọ abiañā mbufo; koro ke ntak ido emi iyaresit Abasi etiene nditọ ntut-utọñ.” Ɗkpọ-ndik oro ke ododu ye nnyin. Ke adañā kpukpru se Ikọ Abasi oduride utọñ abañā, mme owo ke esuk edodu uwem idiọk-ƚkpọ enyuñ ekot idem mmọ mme anditiene-Christ. Ukpep-ƚkpọ emi abat ediwak mme idiọk-ƚkpọ onyuñ otim etiñ ete ke mmọ emi enamde oruk ƚkpọ emi inyeneke ubọk ke Obio Ubọñ Christ ye eke Abasi.

Anditiene-Christ ama ọwọrọ ke ekim, idaha emi eyesañā ke uñwana Eti-mbuk. Mme ƚkpọ emi akakande enye ini kiet ko, idaha emi ke akan mmọ. Uñwana Ikọ Abasi owut enye mme ƚkpọ idaha emi ke obufa usuñ, ndien enye etre kpukpru se mifonke. Enye enyene inem ke ebuana ye Abasi ye nditọ Abasi. Enye inyeneke udọñ ke ebuana ye nsañā ererimbot, koro enye ọfiọk ete mme ƚkpọ emi eyeduri imọ ọkpọñ ima Ọbọñ ye Ete-ufọk esie.

Edidianare Nda

Owo Abasi okop but abañā mme ƚkpọ emi owo ererimbot adarade, koro mmọ edi isio ye uwem ukpọñ. Akpanikọ edi, ima Abasi ke esit anditiene-Christ eneñere adianare enye ọkpọñ mmọ emi esañade ke ekim; uwem ye ikọ-ntiense esie edi se ibiomde mmọ ikpe. Eren-owo me ƚwan, akparawa me ƚka-iferi, emi ebeñede idem esie ebet eridi Ọbọñ Jesus Christ esin idem ke Utom Abasi. Mme ƚkpọ emi mme owo efep enamde emi ebietde ata akpan ƚkpọ ọnọ mmọ, enye abat ke ndisime, koro enye ebetde Ọbọñ esie ndidi usọp-usọp. Mbon efep edọhọ ete ke ƚkpọ osuk obono nte okobonode “tọñ nte mme ete ekede idap” (2 Peter 3:4). Edi ƚwan-ndọ Christ enyenyene udọñ onyuñ ọbọbọñ akam ebet ini emi Ebe-ndọ edibiọñọrede ndimen ƚwan-ndọ Esie mfep ke ererimbot emi.

Mbeñe-idem

Edieke nnyin ibeñede idem ndibuana ke eridi Christ nnyuñ ndi kiet ke otu ƚwan-ndọ Christ, nnyin inyene ndinam ƚkpọ ƚkan ndidiọñ nte ke enye ke afiak edi ke isọñ. Nnyin inyene nditim idem mbet eridi Esie nnyuñ ndu ke idaha ntim idem. Enyene ndikpuhọre nnyin oto ke mbuqtidem, edi nnyin ikemeke ndinyene utọ mbuqtidem oro ibọhọke ikọ Abasi anam uwem nnyin asana. Ke esiode utọ ediyet asana oro emi otode iyip Jesus ye Ikọ Abasi efep, ndien ke enyuñ esiode idorenyin eridi Esie efep ke esit nnyin, nnyin idinyeneke mbuqtidem eke edikpuhọre nnyin, ndibọhọ odudu isọñ nnyuñ ndọk ke ini eridi Christ.

Etim enam ukpep-ƚkpọ emi añwañā oto ke ƚke emi abañade nditọ Iban Duop ke Matthew ibuat 25 (Matthew 25:1-13). Ition ke otu mmọ ekedi ndisime, ition enyuñ edi asian. Ukpuhọre ekedi mme asian ema enyene aran ke ekpeme mmọ ye ke mme utuenikañ mmọ; ndien ke ini mmọ ekedade ke ufọk ndọ, ikañ mmọ ama ayama onyuñ asak. Ndisime iban eken ikekereke ndikama aran, ndien mme utuenikañ mmọ ema enime. Aran ke ediwak ini ada ọnọ Spirit Abasi ke Ikọ Abasi. Mme ndisime ikasañake ke uñwana man otodo ebọ nsuhọ aran emi eyomde, ema enyuñ eyak se mmọ ekenyenede odut ama. Mme asian ema eda ifet emi mmọ ekenyenede eyọhọ ye Spirit. Ke ema ekebọ uduọk-mmọñ Edisana Spirit, Enye, Spirit Akpanikọ, ada mmọ oduk ke ofuri akpanikọ owut mmọ ete ke Ọbọñ mmọ eyesọp edi.

Mmọ ema efiọk ete ke owo ndue-idem ye unana-iwuk idikemeke ndidu ke mbeñe-idem; oto ke emi mmọ ekekpemede enyuñ ebọñde akam, mmọ ema emum Spirit Abasi esin ke uwem mmọ ndien ema enyuñ ebeñe idem ke ikot ekedide. Edi mme ndisime ikenamke ntem. Sia mmọ mikadaha ke akpan ƚkpọ, ikañ mmọ ema enime ndien mmọ ikeduhe ke mbeñe-idem ke ini ekefioride ete, “Sese ọdọ-ndọ; mbufo ewọñọ eka ekesobo ye Enye.” Kpa ntre ke edidi ke ini Ọdọ-ndọ edidide ndida ƚwan-ndọ Esie. Mmọ emi ebeñede idem eyeduk ke Udia Ndọ Eyan Erọñ, ndien mmọ emi ekpọñde ke añwa eyekut akwa ukut emi editienede isọñ.

ƚwan-ndọ Christ ayak esit esie ọnọ Jesus Christ, emi edide Ebe-Ndọ. “Koro nnyin idide ndido idem Esie” (ƚwed Mbon Ephesus 5:30). Uduak Christ edi man Imọ inyene “Ufọk Abasi emi ọyọhọde

ye uboñ minyuñ inyeneke ntọi mme eriñwine mme oruk ñkpọ eke etiede ntre” (Nwedi Mbon Ephesus 5:27). Enye ọnọ mfọn esọk utọ Nwan-ndọ oro man ọnọ enye mbeñe-idem ye ukeme ndisọñọ nda ke utọ idaha oro ke ererimbot emi. Nnyin inyene erikan ito ke Iyip Eyen-Eroñ ye ke ikọ-ntiense nnyin.

Ukpọñ kiet ekededi enyene ndisaña ke uñwana emi ayamade ebe ke usuñ esie. “Edi edieke nnyin isañade ke uñwana, kpa nte enye odude ke uñwana, nnyin imoduk nduk ye kiet eken, ndien iyip Jesus Eyen Esie eyet nnyin isana ke kpukpru mme idiok-ñkpọ” (1 John 1:7). “Ndien emi edi erikan eke akakande ererimbot, kpa mbuotidem nnyin” (1 John 5:4). Owo ikemeke ndinyene mbuotidem ke Abasi me ke mme eñwọñ Esie ibọhọke owo asaña ke uñwana ikọ Abasi. Edieke owo esinde uñwana emi asiahade ọnọ enye, uñwana emi enye ekenyenede akabare ekim.

Ufọk Abasi mme Ikpan ọtọñọ ke owo kiet-kiet onyuñ ekeme ndidi edisana onyuñ anana ndo etiene nte enamde owo kiet-kiet asana onyuñ enen. Edieke mbon ñka ufọk Abasi emi efrede mme akaña mmọ ye ediyak idem mmọ nnọ Jesus, mmọ eyeyom ndifiak edem mbine “Owo efen”, ndien mmọ eyefre ete ke akpan uduak mmọ edi ndinem Ọbọñ esit ndinyuñ ndu ke mbeñe-idem mbet usen eke Enye edifiakde edi nditañ ikot Esie.

Mme Ebe Ye Mme Iban

Mme ebe ye mme iban ndọ ebọ ukpep-ñkpọ ebaña ubiọñ-utom mmọ kiet-kiet oto ke ukpep-ñkpọ emi abañade ima Christ ye ebuana Esie ye ufọk Abasi. Ediwak afanikọñ, iduọ esit, nsuana-ufọk ye usioño-ndọ ekeme nditre edieke ebe ye ñwan ekpedide mbon ufọk Abasi emi Christ edide Ibuot. Ke ini ebe amade ñwan nte Christ amade ufọk Abasi, enye ididighe ñkpọ mfina inọ ufọk oro. Ke ini ñwan osukde ibuot ọnọ ebe nte ufọk Abasi anamde ye Christ, ke ñkañ esie itie ndọ esie eyeyọhọ ye emem ye ñka-iso ima. Edieke mmọ mbiba esukde ibuot enọ Ikọ Abasi ndien ido mmọ ye kiet eken onyuñ ọfọn, mmọ esaña ekekem ye itie emi Abasi okonimde ọnọ mmọ ke ndinyene inem ebuana ke Spirit. Nditọ mmọ eyedaha ke enyọñ enyuñ ekot mmọ ete, ọfọfọn. Ediwak ini nnyin imesikop ikọ-ntiense mmọ emi enyañade emi esidade eti etop enọ mme ete ye mme eka ke mmọ ndidi nti uwut-ñkpọ emi akanamde mmọ eyom nditiene nde ikpat mmọ ke ndikpono Abasi.

Edidep Ifet

Mme anditiene-Christ enyene akamba utom ke abaña nte mmọ ekpebiatde ini mmọ. Paul ọnọ nnyin item ete idedep ifet, koro mme usen edioḱde. Nnyin inyene ndida ini nnyin nnam utom edioḱ ukpọñ nnọ Obio Uboñ Abasi. Enyene mme ñkpọ emi midighe akpan ñkpọ emi anade nte owo anam, edi Nwan-ndọ Christ enyene nditi ete ke akpa utom imọ edi ndikop uyo Ete-ufọk nnyuñ ñka ñkeñwum eti mfri. Okposuk idomo ye ukọbọ edisimde enye, enye enyene ndinam emi.

Nwan-ndọ Christ mfin emi edi Nwan-ndọ mfuhọ. Idaha emi enye obiom krọs. Enye ọfọn ama onyuñ asana, eyere ke Iyip, efọp enyuñ edomo nte eme (gold), onyime ebat enye nte ikpikpu ñkpọ ke ererimbot onyuñ ọbọ esuene ke ntak Enyiñ Esie. Jesus ekedi owo mfuhọ onyuñ emebe ke ukut, ndien Enye oyom Nwan-ndọ emi ekebeemde iso okut ukut akara ye Enye. Nnyin idu ke ini emi ekperede eridi Eyen Abasi. Ekpri ufañ nnyin ndioḱ ukpọñ nnọ Jesus eyebe. Utọ ini oro ukpọñ ifañ edituaña, “Ukpeñe emebe, nda-eyo omokure, ndien ika-inyañake nnyin” (Jeremiah 8:20)!

Nte ini ọdioḱde aka, ntre ke anditiene-Christ akaka iso ayama. Nte usen ọdioḱde aka ntre ke etetim eyom Eti-mbuk uñwana. Ke eyo Noah, kpukpru ñkpọ ke ekikere esit mme owo ekesuk edi idiok kpukpru ini. Edi enye obiom ererimbot ikpe ke emi enye okonimde Abasi ke akpanikọ ke ufot kpukpru mme idiok-ñkpọ oro. Ke ini ukwọ ekedide, Noah ye ofuri ufọk esie ewat ke enyọñ mmọñ-ukwọ kpa nte emi Nwan-ndọ Christ edifede ikpọñ akani ererimbot emi ke ini Ntañ-ndọk. Enye eyedu ke Usoro Ndọ Eyen Eroñ ke ukwọ iyaresit Abasi ediduḱhọde ke ererimbot ke ini Akwa Ukut. Ata akpan usuñ emi ọfonde ndidep ifet me ndida ini nnyin nnam, edi ndibeñe idem mbet eridi Ọbọñ ye ndiñwam mmọ efen edu ke mbeñe-idem ñko.

MME MBUME

- 1 Anie edi Ibuot Ufok Abasi?
- 2 Nso oruk Ufok Abasi ke Christ oyom onọ Idem Esie?
- 3 Nso ima ke ana nte ebe enyene onọ nwan esie? Eda oro edomo ye nso?
- 4 Ido nwan enyene nditie didie ye ebe esie?
- 5 Nso ntak ke enọ ke ukpep-nkpọ emi, emi enyikde nnyin ndidedep ifet?
- 6 Nso edi edu-uwem nnyin ke abana mme utom ekim?
- 7 Nso edi mme nkpọ emi ebatde ke ukpep-nkpọ emi obiọnde owo Obio Ubọn Abasi ndien ada iyaresit Abasi osok nditọ ntut-utọn?
- 8 Nso ana nte edi idaha Ufok Abasi emi enyenede Christ?
- 9 Nso edi mme idaha emi anamde Ufok Abasi odu ke mbeñe idem ebet Ntañ-ndok?